

**PARADIGMA DIREITU KUSTUMEIRU IHA KONSEPTU ESTADU
DIREITU TUIR KONSTITUISAUN REPUBLIKA DEMOKRATIKA
TIMOR-LESTE (RDTL)**

FAKULDADE DE DIREITU-UNPAZ

Naran : Richard Alfred Xavier Da Conceicao
Nim : 20.02.01.225
Orientador I : Dr Reinaldo F.Luis,Lic.,Dir.,MD
Orientadoe II : Mirela M. R. Guterres Lic.,Dir.,MD

ABSTRATU

Direitu kustumeiru nudar norma ne'ebé eziste iha sosiedade sira iha reziaun no hetan rekoñesimentu husi Estadu. Objetivu halo peskiza ida ne'e hala'o atu bele hatene lolos oinsa regulasaun Direitu kustumeiru iha kontestu konseptu estadu direitu Timor-Leste, no atu hatene no buka tuir oinsa Direitu kustumeiru bele solusiona problema iha sosiedade lokal sira iha vida moris tuir konstitusional atu hatene klaru kona-ba objetivu peskiza ida ne'e hakerek nain utiliza metodolozia peskiza juridis normativu, hodi hakerek nain bele identifika hodi bele hamosu Lei balun ne'ebé atu regula espesifiku kona-ba Kultura iha Estadu Timor-Leste no iha peskiza ida ne'e mos hakerek nain utiliza teoria lubuk ida husi peritu sira iha mundu ne'e nia hanoin kona-ba direitu kustumeiru nian hodi bele fortifika hakerek nain nia obra sientifiku ida ne'e. Liu husi peskiza monografia ida ne'e hakerek nain identifika mos problema lubun ida ne'ebé mak sei dezafia nafatin estadu Timor-Leste atu bele hamosu lei balun hodi regula espesifiku ba kultura iha Timor-Leste, no problema sira ne'e mos hakerek nain halo ona esplanasaun iha kapitulu III no IV iha monografia ida ne'e.

Liafuan Xave : Direitu Kustumeiru, Estadu no tuir konstituisaun

1. Antecedente

Timor-Leste nu'udar nasaun ida ne'ebé maka lao hela iha prosesu desenvolvimento sempre hasoru dezafiu oin-oin iha aspektu hotu-hotu inklina mos iha area kustumeiru, maske iha seculo 21 Timor-Leste independensia ona, maibe kultura sai hanesan baze fundamental Timor-Leste nian ne'ebé bei ala sira husik hela gerasaun ba gerasaun hodi kontinua no tane a'as no proteze labele lakon iha moris sociedade. Ligadu ho protesaun kultura husi sociedade nia moris ho nune'e nu'udar Estadu Direitu demokratiku Timor-Leste mos adopta Direitu/Lei kustumeiru, hanesan konsagra iha Konstituisaun Republika Demokratika Timor-Leste (RDTL) artigu 2 alinea 4 ne'ebé define katak estadu rekoñese no valoriza norma no lisan rai Timor-Leste nian ne'ebé la'os kontra lei inan no mos legislasaun seluk tan ne'ebé koalia konaba direitu ne'ebé mai husi lisan no toman.

Lei kustumeiru ne'e hanesan regulamentu ida ne'ebé kesi ba sociedade sira, ne'ebé mak la hakerek no mai husi toman ne'ebé mak buras iha sociedade sira no sai mos lei ida ne'ebé husik hela husi gerasaun ba gerasaun atu nafatin promove no valoriza ba futuru. "Buat ne'ebé hanesan hatu'o husi *Kujarania* katak" kultura "mai husi liafuan Sanritmu ho fraze pluriana iha forma ida ne'ebé signifika katak neon ka razaun ou ideas. Tuir matenek nain Van, Vallenhoven, hanesan sientista ida ne'ebé primeiru vez hatete konaba lei kustumeiru no mos fo difinisaun konaba lei kustumeiru mak hanesan: hanesan regulamentu ida hodi halo kontrolu konaba grupu ida, no karakter individu nian, no nia iha nia sansaun no seidaok kodifika.

Iha parte seluk katak kultura mak uzu kustume hanesan tais, uma lulik, dansa tradisional, tara bandu, fetosá-umane, barlake. Hanoin hirak ne'e ita maluk sira hafahe ba malu ho baze iha koñesimentu no kontektu lokal ne'ebé sira iha. Kultura tuir hakerek nain nia hanoin hanesan parte importante ida husi povu Timor, tanba ho kultura mak halo ema respeita malu hanesan ita hatene: "Ita nia *kultura* Timor ne'e, kultura ida ne'ebé forte tebes, ita iha nanis ona atu buka respeita malu atu buka hatene malu husi ita nia kultura." Timor-Leste iha relasaun familia ne'ebé metin liu husi kultura. Kultura hanesan simbolu unidade familia, comunidade no povu Timor-Leste nian.

Lei kustumeiru mai kedas ho nia sistematik la eskrita nanis/ ho nu'ne prespektiva pensamentu sientista nia olku noasaun espresa mos sentimentu konaba nia siensia ne'ebé nia iha, no nia kultura rasik, sei kadi no loke to klean konaba regulamentu lei kustumeiru nian, mos iha sansaun rasik haruka hanesan no,bandu iha rekezitu no elementu elementu ne'ebé mak labele viola, sei akontesé sei hetan kondena husi lalaok tradisaun, no kastigu tuir regra kultura nian, difinisaun lei kustumeiru rasik moris ho hahalok ida hamosu sentimentu moris nanis ho sosiadade

sira hatur ida-ida tuir nia fatin, lei kustumeiru moris ba bebeik hanesan moris umanu nia moris loron-loron¹.

Ho hanoin no definisaun sira iha leten tuir mai hakerek nain hamosu kestaun rua mak hanesan tuir mai: kestaun jurisdisaun, no kestaun sosiologia.

Iha **kestaun juridisaun** to agora dadaun iha Estadu Timor-Leste Lei inan deit maka rekoneso no valoriza direitu kustumeiro iha Timor-Leste hanesan ita hare iha konstituisaun Republika Demokratika Timor-Leste (RDTL) artigu 2 alinea 4 laiha tan Lei oan seluk maka atu regulariza espesifiku ba iha Direitu kustumeiru iha Timor-Leste ho ida ne'e ita bele define katak artigu 2 alinea 4 iha Konstituisaun Republika Demokratika Timor-Leste (RDTL) ita bele konsidera Norma mamuk tamba laiha tan Lei oan seluk atu regulariza espesifiku konaba Direitu kustumeiru ne'e rasik.

Iha **kestaun Sosiologia**, klaru katak estadu rekoneso no valoriza maibe laiha lei oan atu proteze direitu kustumeiru, ho ida ne'e fo implikasaun povo ne'ebé mos multiinterpretasaun iha sosiedade no kultural tamba uma lulik wainhira hala'o lisan mosu intensaun husi lia nain ou foti desizaun tuir sira nia pensamento ou hakarak, ida ne'e mak kultura persija regula husi estadu husi lei ne'ebé fo beneficio no karaktistika responsive.

Sosiedade moderna ida agora barak maka hanoin katak Lei kustumeiru barak mak kontradisaun ho konvensaun Direitus humanus sira ne'ebé maka aprova iha Assembleia ONU iha 10 de Dezembru 1948 iha Paris, Fransa. Sosiedade modernu barak maka adopta liu konvensaun direitus humanus nian do que lei kustumeiru sira ho razaun katak direitu kustumeiru ate a data nafatin rejulta deskriminisaun ba sosiedade sira hotu no sosiedade sira barak maka fo sira hanoin katak Kultura ne'e hanesan Business no la responde ona ba konseptu Estadu Direitu ne'ebé maka Estadu Timor Leste adopta.

Maibe sira haluha tia katak lei kustumeiro iha nia elementus ho regulamentu rasik, hanesan instrumento ida hodi regula karakter no sukat mudansa umanu nian, iha ambiente sosiedade nia laran, antes ne mos lei kustumeiru la hakerek maibe comunidade wain ho fikolojia rasik fiar no tutela a'an ba iha tradisaun norma kultura ne'e konsidera hanesan karakter lei, fiar hanesan justisa sosial ba ema hotu, fo poder mos ba autoridade lokal sira idak-idak halo rotasaun ba comunidade sira hodi kumpri regulamentu ne rasik, se deit mak viola sei hetan pena tuir sansaun kultura nian.

Bazeia ba antesendente ne'ebé iha leten tuir mai hakerek nain hakarak akumulata problema ne'ebé mak hanesan tuir mai ne'e:

- 1) Oinsa regula direitu kustumeiru iha kontestu Estadu Direitu?

¹¹ Soepomo. *Hukum Ada*. (Jakarta; pt pradnya paramita 1993) hlm 3

- 2) Oinsa Direitu kustumeiru bele solusiona problema povo iha vida moris konstitusional?

2. Metodologia Peskiza

Metodologia peskiza hanesan aktividade ida ne'ebé eskritor nia responsabilidade hodi peskiza ka akumula termu ne'ebé relasiona ho problema ida ne'ebé mak analiza husi peskizador, no rezultadu husi peskiza ida ne'e hetan konfiansa no responsabilidade relasiona husi peskiza hodi kompleta ba problema ne'ebé mensiona iha leten, no esplikaun husi matenek nain sofian effendi mak hanesan iha relasaun sistematizasaun entre fenomena social ne'ebé ma mosu iha sociedade metodolojia peskiza hanesan alternative ida ne'ebé mak atu lori peskizador ba hatene klean kona-ba proposta monografia ho titulu : **Paradigma Direitu Kustumeiru iha Konseptu Estado Direitu Timor-Leste tuir Konstituisaun Republika Demokratika Timor-Leste (RDTL).**

2.1. Tipu peskiza

Tipu peskiza ne'ebé utliza iha peskizasaun ne'e, atu hatur lolos natureza husi peskiza ne'e rasik maka peskiza juridiku normative.

2.2. Tipu Abordazen Juridika.

Tipu abordazen ne'e sai hanesan iha peskizador utiliza mak metode juridiku normativu ne'ebé hare liu kona ba lei sira no mos material direitu ne'ebé sei hala'o husi peskizador ne'ebé sai hanesan preorijadu mak peskiza biblioteka ou dokumentu ne'ebé sai hanesan material direitu hodi forma material primariu, material direitu sekundario no material direitu terseáriu no halo abordazen konseptu no abordazen lei sira. No mos tuir peritu Piter M. Marzuki define kuartu(4) aprosimasaun mak hanesan tuir mai ne'e :

- 1) Pendekatan perundang-undang (the statute approach) aprosimasaun lei sira.
- 2) Pendetan analisis konsep hukum (analytical concept approach) aprosimasaun analisa konseptu direitu.
- 3) Pendekatan lain-lain yaitu pendekatan secara fakta (the fact approach) aprosimasaun ba faktu.
- 4) Pendekatan historis (historist approach) aprosimasaun historia.

Hare ba metode sira ne'e hakerek nain utilize mak aprosimasaun lei sira (the statute approach), no aprosimasaun analisa konseptu direitu (analytical concept approach)².

2.3. Fontes Material Direitu

Fontes Matériel Direitu ida ne'ebé sai hanesan observaun atu hatene klaru no analiza problema ne'ebé mak mosu iha comunidade nia le'et, hodi tuir sistemátiku no padraun ida atu halibur material direitu ne'ebé nesesitya, enjeral

² Piter Mahmud Marzuki, metode penelitian hokum, kencana prenada media group. hlm. 49, 95

tekniku halibur material direitu ne'ebé mak iha teknika atu halibur material direitu no peskizador Utilize hodi halo investigasaun ho nune'e hakerek nain analiza direitamente iha material primaria sekundaria no tersearia responde situasaun ne'ebé mak akontese relasiona ho lei ne'ebé mak iha relevante ho problema refere, hodi konseptu no analiza tuir baze legal ne'ebé mak iha.

Tuir juridikamente liga ba narrative ne'e hanesan uza meius atu buka informasaun ne'ebé mak realidade no iha relevansia ho situasaun ne'ebé mak akontese fahe ba parte (4) mak dadus primaria mai husi peskiza no liu husi observasaun liga iha fatin no mos dadus sekundaria ne'e nia fontes mai husi peskiza iha bibliografia hodi bele hetan ne'e klaru.

2.3.1. Materia Direitu Primariu

Material direitu ne'ebé mak hanesan material vinkulativu no forma regulamentu no desijaun judisial sira hanesan: Konstituisaun Repiblika Demokratika Timor Leste.

2.3.2. Materia Direitu Sekundariu

Materia direitu sekundariu konstitui ho material direitu mak fornese esplikasaun kona-ba direitu primariu ho forma hanesan tuir mai ne'e ;

- a) Livru-livru
- b) jornal da republiká
- c) Artigu –artigu ho media no kakerek siensia seluk.
- d) Skripsi

2.3.3. Materia Direitu Terseariu

Material direitu sekundariu konstitui ho material direitu mak fornese indikasaun no esklaresimentu tantu aplikasaun kona-ba material direitu primariu, material direitu sekundariu ho forma sira hanesan tuir mai ne'e ;

- 1) Internet Elekonik,
- 2) Google Translator
- 3) Google Terjemahan
- 4) Terminologia Direitu
- 5) Kamus Indonesia Ba Tetun/Tetun Ba Indonesia
- 6) Tetun Linguistika (DIT)

2.3.4. Data apoio/suporta

Data ne'ebe foti husi ema importante hanesan membrus governu, parlamentu, lia nain, joventude, no seluk nu'udar informasaun ba peskiza ida ne'e hodi utiliza wainhira peskiza nain hakerek kapitulu III no IV.

2.3.5. Tekniku Halibur Materia Direitu

Material direitu ida ne'ebé mak akumula hamutuk hodi le'e no aprende ne'e sai hanesan pasu ka etapa ne'ebé importante ida utiliza card system no cataun bibleoteka, atu rekolha no akumula material direitu nian, no atu hili husi material direitu nian, ida ne'ebé mak iha relevansia ho material ne'ebé mak klaru material

direitu ne'ebé mak mai ho nia karakter geral hodi konklui atu hetan material direitu espesifiku nian.

2.3.6. Tekniku Analiza Materia Direitu

Teknika analisa ida ne'ebé mak atu uza kona-ba deskriptivu juridiku, uza ho meius atu akumula kona-ba dados ida ne'ebé mak tau hamutuk hanesan hodi analisa kona-ba situasaun baziku problema nian hodi klarifika los ba iha deskriptivu nian. Ho meius atu klarifika kona-ba titlu peskiza

Analiza tuir mai hanesan lori dezenhu problema nian nian iha antesendente ho baziku iha ligasaun ba normativu juridika hodi analisa husi direitu primaria, selundaria, no tersearia kona-ba dados sistematizasaun iha karakteristik deskriptivu analisa nian.

3. Rezultadu no Dezenvolvimentu

3.1. Regula Direitu Kustumeiru Iha Kontestu Estadu Direitu

3.1.1. Regulasau Direitu Kustumeiru Iha Konstituisaun Republika Demokratika Timor-Leste (RDTL) Tinan 2002

Timor-Leste hanesan Estadu Direitu Demokratiku ne'ebe maka adopta mos lei kustumeiru hanesan konsagra ona iha Konstituisaun Republika Demokratika Timor-Leste (RDTL) artigu 2 alinea 4 katak Estadu rekonese no valoriza norma no lisan rai Timor nian ne'ebe laos kontra lei inan no mos legislasau seluk tan ne'ebe kolia konaba Direitu ne'ebe mai husi lisan no toman. Tamba ne'e kultura sai hanesan uzus kustume Timor nian ne'ebe maka husik hela husi bei ala sira husi geraun ba geraun atu nafatin promove no valorizu ba futuru. Ligadu ho konseitu estadu direitu demokratiku husi J.F sthal iha elemento ha'at, ne'ebé mak hanesan :

- a) Rekoñese no proteje direitus humanus
- b) Atu proteje direitus humanus hirak ne'e, administrasaun estadu tenke bazeia ba teoria Trias Politika
- c) Hala'o ninia knaar, governu ne'e bazeia ba lei (Wetmatig Bestuur)
- d) Karik sira hala'o sira nia knaar ida ne'ebé bazeia ba lei governu, sira viola nafatin direitus humanus (governu interferénsia iha ema nia vida privada), depois mak tribunal administrasaun nian ne'ebé sei rezolve ida ne'e.³

ligadu ho Julius nia hanoin liu-liu iha area direitu humanus ho nune'e kultura mos hanesan parte ida iha Povu Timor-Leste nia Moris no sai ona hanesan identidade Timor oan ninian ne'ebé ita presija atu aseguira liu husi lei ida, tamba povu Timor-Leste iha Direitu tomak atu hetan aseguirasaun ba sira nia Direitu liu-liu iha Direitu ba kultural.

Timor-Leste mos hanesan parte ida iha ONU no ligadu ho ida ne'e bazeia ba artigu 9 Konstituisaun Republika Demokratika Timor-Leste (RDTL) 2002 estadu Timor-Leste mos iha obrigasaun tomak atu adopta konvensau sira ne'ebé maka

³*Ibid Daman averroes Al-khawarizmi December 6 2011 dalam*
<https://www.negarahukum.com/hukum/prinsip-prinsip-hukum.html>

aprovadu ona iha assembleia jeral ONU liu-liu iha konvensaun sosiedade kustumeiru(convention of culture people) ne'ebé maka aprova tia ona iha ONU iha 1989 ho ida ne'e Timor-Leste mos iha dever tomak atu lao ou opta tuir konvensuan refere atu bele garante nafatin Direitu kustumeiru iha Estadu Republika Demokratika Timor-Leste (RDTL).

Ligadu ho Direitus Humanus kultura mos hola parte iha jersaun balu ne'ebé iha jersaun direitus humanus ninian hanesan hateten husi peritu **karel vasak** nia klassifika Jersaun Direitus Humanus ba iha Parte tolu mak hanesan: **Jersaun Primeiru**; direitu sivil no politiku (*liberte*); direitu fundamental (*fundamental freedoms*), direitu ba moris no liberdade husi ameasa atu sai atan(*freedom from slavery*), halo ema sai atan (*turture*), hahalok aat ne'ebé halo ema terus (*cruel*), ne'ebé trata ema no hatun ema nia dignidade, liberdade espresaun, direitu ba julgamentu ne'ebé justu. Hanesan hatu'ur ona iha Konstituisaun Republika Demokratika Timor-Leste, iha Titulu II kona-ba *Direitu, Liberdade no Garantia ida-idak nian. JersaunSegundu*;direitu ekonomiku, sosial no kultura (*egalite*); mak hanesan direitu atu hetan moris, seguransa sosial, hetan ai-han, kuidadu saude, edukasaun, no aktivamente partisipa iha vida kultura. hanesan hatu'ur ona iha konstituisaun Republika Demokratika Timor-Leste, Titulu III kona-ba *Direitu no dever ekonomiku, sosial no kultura. Jersaun terseiru*;direitu kolektivu mak hanesan direitu ba povu nian atu determina moris iha dezvoltamentu politiku no ekonomiku (*the right to economic development*),direitu ba ambiente ida ne'ebé propriu (*the right to a good environment*), direitu atu mantein kultura indigena, direitu atu goza patrimoniu natural hamutuk, direitu ba seguransa no moris ho dame no direitu atu komunika no hetan informasaun. Hatuur ona iha Parte III kona ba Organizasaun poder politiku nian, titulu I *Prinsipiu Jeral sira*, ne'ebé espesifiku liu ba titularidade no ezersisiu poder politiku nian no partisipasaun politiku sidadaun sira-nian inklui mos ho prinsipiu renovasaun nian.

Bazeia ba jersaun tolu husi karel nia hanoin iha leten kultura sai hanesan pontus importante ida iha ambiente Direitus Humanus ninian ho ida ne'e estadu Timor-Leste mos tenki hare'e didiak atu nune'e bele assegura ou regula kultura iha lei oan balu atu nune'e bele nafatin garante direitu povu sira nian liu-liu iha Direitu kultural ninian.

Sistema kultural ne'ebe durante ne'e implementa iha sosiedade sei la fo impaktu ba konstituisaun Republika Demokratika Timor-Leste (RDTL) tamba tuir hela sistema lao tuir nia dalan. Ba sa kultura hola parte mos iha sosiedade ida fo valor ne'ebe a'as iha comunidade nia laran, ezemplu maka fo folin ba malu ka barlaqueadu ne'e parte ida ne'ebe Estadu promove sistema konseitu Estadu de Direitu Demokratiku. Direitu kustumeiro hanesan Regulasaun Direitu kustumeiru iha konstituisaun Republika Demokratika Timor-Leste (RDTL) hanesan prinsipius ida ba lei kustumeiru ne'e rasik atu bele garante nafatin ezistensia lei kustumeriu

iha Timor-Leste ho nune'e sosiedade kustumeiru mos nafatin promove no valoriza lei kustumeiru ne'e ba oin, hanesan garantidu ona iha Konstituisaun Republika Demokratika Timor-Leste (RDTL) lei kustumeiru mos kolokadu ona husi konstituisaun Republika Demokratika Timor-Leste (RDTL) hanesan prinsipius fundamental ne'ebé hola parte mos ba parte I Konstituisaun Republika Demokratika Timor-Leste (RDTL) sai hanesan prinsipius fundamental, no husi konstituisaun Republika Demokratika Timor-Leste (RDTL) artigu 2 alinea 4 mai ho karakteristika imperativu/obligatoriu atu ema hotu-hotu bele banati tuir normas Direitu kustumeiru sira hotu ne'ebé maka la viola konstituisaun Republika Demokratika Timor-Leste (RDTL).

Hanesan sosiedade kustumeiru ne'ebé maka iha espiritu konstitusional ne'ebé a'as sei nafatin obedese ba lei kustumeiru ne'ebé konsagra ona iha konstituisaun Republika Demokratika Timor-Leste (RDTL) hanesan matadalan di'ak ida ba sosiedade kustumeiru ne'e rasik hodi bele regulariza nafatin povu Timor-Leste liu husi Konstituisaun Republika Demokratika Timor-Leste (RDTL) nia ezistensia.

Konstituisaun Republika Demokratika Timor-Leste (RDTL) hanesan mos Lei ida ne'ebé a'as liu iha Timor-Leste ho ida ne'e regulasaun Direitu kustumeiru iha konstituisaun ne'e rasik sai prioridade tebes ba Estadu Timor-Leste tamba hare ba historia naruk Timor-Leste nian Lulik maka sai hanesan lei ida ne'ebé primeira vez Timor-Leste adopta iha tempu passadu, hare ba historia naruk ne'e obligasaun Estadu Timor-Leste atu nafatin dignifika Direitu kustumeiru ne'e hanesan lei ida nafatin atu bele regulariza nafatin ema hotu-hotu iha Nasaun Timor-Leste ida ne'e.

Timor-Leste identiku ona ho kultura, relasiona ho ida ne'e ita bele hare iha paragrafu da walu (8) preambulu konstituisaun Republika Demokratika Timor-Leste (RDTL) no artigu 2 alinea 4 no mos artigu 59 alinea 1 konstituisaun Republika Demokratika Timor-Leste (RDTL) ho buat sira ne'e hotu ita bele konklui katak regulasaun Direitu kustumeiru iha konstituisaun Republika Demokratika Timor-Leste (RDTL) makas tebes, oinsa ita nu'udar sidadun Timorensen bele valoriza no dignifika ba oin. Timor-Leste hanesan ita hatene momos katak tenke hari'i kultura demokratika no institusional ne'ebé moris iha Estadu tuir-lei ida, ne'ebé hetan abut makas iha respeitu ba konstituisaun, ba lei no instituisaun sira ne'ebé moris ho kultura demokratika.

Ligadu ho definisaun sira iha leten tuir mai hakerek nain hakarak atu haklean no haklaru liu tan direitu kustumeiru nesesariu tebes regula husi lei oan tamba bazeia ba teoria barak husi peritu sira iha mundu hanesan soepomo hateten katak klaru duni direitu kustumeiru hanesan lei ida ne'ebé moris tamba nia reprejenta sentimentu realidade husi sosiedade ne'e rasik no haktuir nia lalaok rasik,

direitu kustumeiru nafatin iha kondisuan ne'ebé mak moris no moris ba nafatin tuir vida moris ema nian⁴.

Ho definisaun husi soepomo iha leten klaru katak Timor-Leste presija duni atu regulariza direitu kustumeiru ho lei oan, atu nunne'e bele garante nafatin estabilidade iha sosiedade nian laran.

Tamba wainhira regulariza husi lei mak ida ne'e hanesan mos ita rekonhese no valoriza sosiedade kustumeiru sira nia ezistensia no mos dignifika sira nia direitu no dever hotu hotu.

3.1.2. Regulasaun Direitu Kustumeiru Iha Lei Oan Haktuir Konseitu Estadu Direitu Demokratiku.

Konstrusaun konstituisaun Republika Demokratika Timor-Leste 2002 konsagra mos artigu balun hodi regula konaba Direitu kustumeiru hanesan ita hare iha artigu 2 alinea 4 konstituisaun Republika Demokratika Timor-Leste (RDTL) 2002 regulasaun ida ne'e hutudu mai ita katak iha ona rekoñesimentu ba Direitu kustumeiru husi Konstituisaun Republika Demokratika Timor-Leste (RDTL) ne'e rasik. Liu husi regulasaun ida ne'e hatudu katak seidauk sufisiente para atu rekoñese no valoriza Direitu kustumeiru iha Timor-Leste tamba Estadu seidauk prepara ou atu konstrui lei oan ida atu regulariza espesifku ba Direitu kustumeiru ne'e rasik.

Maske iha rekoñesimentu iha konstituisaun Republika Demokratika Timor-Leste (RDTL) 2002, presija subliña katak natureza rekoñesimentu Direitu kustumeiru ida ne'e hanesan rekoñesimentu liu de'it tamba laiha tan Lei oan ida mak regulariza espesifiku liu tan ba iha Direitu Kustumeiru ne'e rasik. Ezistensia Direitu kustumeiru iha Lei Oan sei deside husi Estadu liu husi Orgaun Soberania sira ne'ebé maka iha Kompetensia, husi parte seluk rekoñesimentu ne'e mos hanesan rekoñese ezistensia Sosiedade Kustumeiru sira, kestaun rekoñese sosiedade kustumeiru, hare husi prespektivu Juridiku, wainhira laiha Lei Oan ida maka regulariza espesifiku ba Direitu kustumeiru no sosiedade kustumeiru ne'e signifika katak Direitu kustumeiru no sosiedade kustumeiru ne'e la eziste duni iha Timor-Leste maske sosiologikamente sira eziste.

Konstituisaun Republika Demokratika Timor-Leste ne'ebé regula rekoñesementu ba lei kustumeiru hanesan Baze fundamental ida para bele dudu makas nafatin Direitu no liberdade Sosiedade kustumeiru sira nian wainhira kondisaun maka halo fraku rekoñesimentu ne'e signifika respeitu no protesau bele lakon. Iha parte seluk privilejiu sosiedade kustumeiru sira nian iha sistema iha auto regulasaun ne'ebé inklui sistema governu nian iha comunidade mos sistema juridisiariu no provisau sira kona-ba gestaun rai no rekursu natural sira. Ida ne'e signifika katak bele uja husi Estadu atu hametin esforsu sira atu atinji metas nasional sira.

⁴ Soepomo. Hukum adat.(Jakarta;PT Pradnya Paramita 1993) hlm3.

Ida ne'e signifika katak iha divizaun ida kona-ba gestaun espasu entre Estadu no Sosiedade kustumeiru sira ne'ebé Estadu fornese autonomia balun liu husi Lei oan ne'ebé maka regulariza kona-ba Direitu kustumeiru ne'e atu hala'o sistema gestaun iha comunidade ida-idak nia laran, maibe nafatin iha sistema enkuadramentu legal Republika Demokratika Timor-Leste nia laran.

Ligadu ho atu regulariza ho direitu kustumeiru iha lei oan hanesan definisaun sira iha leten tuir mai hakerek nain hakarak atu kabe ba teoria husi van vollenhoven ne'ebé hanesan mos primeiru peritu ne'ebé fo hanoin sobre direitu kustumeiru katak direitu kustumeiru kompostu husi regulamentu kona-ba hahalok husi ema ogirin sira hanesan sosiedade kustumeiru ne'ebé iha nia sansaun (tamba nia karakteristik hanesan Lei) no ba parte seluk iha kondisaun ne'ebé mak la kodifika (tamba hanesan kustume)⁵.

Ligadu ho kondisaun iha leten hanesan van vollenhoven hateten direitu kustumeiru mai ho nia karakteristik hanesan lei ho nune'e liga mai iha kondisaun Timor-Leste direitu kustumeiru presija tebes para atu regulariza ho lei oan tamba ligadu ho van vollenhoven nia hanoin kustumeiru nia karakteristik hanesan mos Lei tamba ne'e ita tenki kria kondisaun ida para bele forma lei ida atu regulariza espesifiku ba iha lei kustumeiru ne'e rasik.

Wainhira iha lei oan ida maka regulariza kona-ba direitu kustumeiru hanesan mos ita fo protesau ba sosiedade kustumeriu sira no garante mos sira nia direitu atu nafatin moris no dezenvolve tuir direitus humanus ema humanu ninian.

3.1.3. Dignifika Ezistensia Povu Kustumeiru.

Em jeral definisaun povo ou sosiedade ne'e katak grupo ida ne'ebé maka moris hamutuk, servisu hamutuk atu hetan interese komun ne'ebé iha ona ordem moris nian, norma no kustume sira ne'ebé maka adere ba sira nia ambiente. Sosiedade maka grupo ida ne'ebé interligadu tebes tamba sistema balun. Liafuan "sosiedade" iha lian ingles ne'ebé iha signifika "society", iha lian latin, signifika "belun". Ema ne'ebé mai husi arabe maka "musun".⁶ Tuir hakerek nain katak povu maka hanesan ema lubun bo'ot ida ne'ebé hola parte mos iha estadu ida ne'ebé sempre moris hamutuk no sempre fo sira nia hanoin hamutuk tulun malu liu husi kultura no sempre kontribui ba estadu hodi atinji objetivu komun.

Definisaun Povu iha sentidu ne'ebé luan liu maka relasaun moris hamutuk tomak la ho limitisaun husi ambiente, nasaun no seluk. Entrentantu definisaun sosiedade iha sentidu kloot tebes maka grupo individual ne'ebé limitadu husi klasse, nasaun, territorio no seluk tan. Sosiedae mos bele defini nu'udar grupo ema ne'ebé organizadu tamba iha objetivu hanesan. definisaun simples ida husi sosiedae maka

⁵ Van vollenhoven, orientasi dalam hukum adat Indonesia, jambatan, Jakarta, 1983, hlm 14.

⁶ <http://dinastirev.org>. *memahami masyarakat dan prespektifnya*.

grupo ema ne'ebé halo interasaun ka halimar ho intrese ne'ebé hanesan tanba uza sira nia sentimentu, hanoin no hakarak atu halo buat ne'ebé sira hakarak.⁷

Relasiona ho hanoin sira iha leten haktuir teoria husi **Soerjono Soekanto** katak povu maka hanesan sistema moris hamutuk ne'ebé mak hamosu kultura no kesi relasaun husi ema ida ba ida iha ne'ebé servisu hamutuk iha kampu etiku oioin no kontribui ba unidade humanu no kualidade progressivu sira⁸.

Iha Timor-Leste Povu/sosiedade kustumeiru iha nia estruktura ho nia karakteristika *genealogis*⁹ (prinsipio ran ou gerasaun) katak sosiedade kustumeiru sira ne'ebé sente kesi metin ho lisan ne'ebé bazeia ba fiar katak sira hotu-hotu mai husi gerasaun ida deit ho liafuan seluk ema ida sai hanesan membru sosiedade kustumeiru ne'ebé maka ligadu tamba nia sai ou foti nia an hanesan gerasaun husi Aman nia gerasaun ou husi inan nian gerasaun ho ida ne'e sosiedade kustumeiru ne'ebé mensiona iha leten sente hanesan sira nia a'an sai ida deit no obedese ba Direitu kustumeiru sira ne'ebé maka iha.

Iha sosiedade Direitu kustumeiru sei deside husi faktore genealogis iha ne'e ita koñese buat tolu ne'ebé define ba gerasaun ba gerasaun mak hanesan :

- a) Gerasaun haktuir mane (Aman) ida ne'e ita bele hare'e hetan iha sosiedade kustumeiru Kemak, Mambae, Makasae no etc.
- b) Gerasaun haktuir feto (Inan) ida ne'e ita bele hare'e hetan iha sosiedae kustumeiru Bunak, Terik no etc.
- c) Haktuir mane no feto (Aman no Inan) ida ne'e ita bele hare'e hetan iha sosiedae kustumeiru iha Alas Manufahe.

Sosiedade kustumeiru ne'ebé maka nia gerasaun haktuir mane (Aman) hanaran patrilineal, sosiedade kustumeriu ne'ebé maka nia gerasaun haktuir feto (Inan) hanaran matrilineal, sosiedae kustumeiru ne'ebé maka nia gerasaun haktuir (mane no feto) hanaran parental.

Iha Timor-Leste eziste mos tipo sosiedade kustumeiru ne'ebé nia estruktura ho karakteristika suku, territorial,uniaun.

Sosiedade suku maka hanesan lisan ou grupo ida ne'ebé maka moris hamutuk iha prinsipiu ba moris hamutuk hare'e ba moris, oinsa atu moris, no sistema fiar ne'ebé maka hanesan, ne'ebé maka tutela ba fatin ida ne'ebé maka sira bele hamutuk ba'a no hanesan mos unidu ida, iha regulamentu ida ne'ebé maka espesifiku iha area suku ou fora husi suku.

Sosiedade territorial maka hanesan união sosial ida ne'ebé maka nia territorio hafalun hotu sosiedade kustumeiru suku no ida-idak nafatin hamrik mesak, maske sosiedade kustumeiru suku sira ne'ebé maka hamutuk iha sosiedade

⁷ *ibid*

⁸ <https://t.me/kompascomupdate>.

⁹ *Bushar Muhammad, Asas asas hukum adat*

kustumeiru territorial iha sira nia lideransa no regulamentu rasik maibe nafatin la ses husi sosiedade kustumeiru territorial tamba união sosial territorial maka a'as liu.

Sosiedade unidade de suku maka hanesan união sosial territorial ne'ebé maka simplesmente konstroi bazeia ba servisu hamutuk husi parte hotu-hotu ba intrese komum ba sosiedade suku sira ne'ebé maka hamutuk iha sosiedade unidade de suku¹⁰.

Ho definisaun sira iha leten nune'e presija tebes regulasaun Direitu kustumeiru atu nune'e bele dignifika ezistensia sosiedade ou povu Direitu kustumeiru sira atu nune'e sira mos bele senti no bele kompriende didiak liu tan Direitu kustumeriu ne'e rasik. Tamba ita hare ba iha nasaun Timor-Leste ne'e mos maioria husi povu Timor-Leste maka Povu/sosiedade Direitu kustumeiru ne'e rasik ho nune'e oinsa ita bele dignifika sira nia ezistensia. Ho regulasaun Direitu kustumeiru ne'e rasik ita bele dignifika ona sira nia ezistensia tamba ho regulasaun Direitu kustumeiru povu/sosiedade kustumeiru ne'e rasik sei sente katak sira nia ezistensia mos nafatin iha Estadu Timor-Leste no sira bele hatene katak Estadu Timor-Leste mos la deskrimina sira ho sosiedade sira seluk.

3.1.4. Prinsipiu Legalidade Hamosu Balansu Iha Konseitu Estadu Direitu

Prinsipiu legalidade hanesan enkuadramentu abstratu baziku hanoin nian tamba seidauk fornese metodu espesifiku ka konkretu iha implementasaun nian. Prinsipiu legalidade mos hanoin sira ne'ebé baziku hanesan regulamentu ne'ebé ho karakter komum sai fundamentu husi sistema legalidade nian.

Tuir hakerk nain nia hanoin ligadu ho povo kustumeiru prinsipiu legalidade bele hamosu balansu tamba wainhira iha estadu ida buat hotu-hotu iha ona lei ida mak regula signifika katak sei fo balansu tebes ba benefisiariu sira hanesan povu tamba iha ona prinsipius legalidade ida para bele garante sira liu husi lei ne'ebé mak vigora.

Iha futuru presija hanoin progressivu hodi interpreta prinsipiu legalidade tamba signifikaun prinsipiu legalidade ne'ebé ita hatene to agora lahanesan ho possitivisme ne'ebé artigu halo hanesan fali ho lei. Nessesita libertasaun husi signifikaun husi prinsipiu legalidade nian atu nune'e nia signifika prinsipiu legalidade tuir kondisaun nasaun Timor-Leste nian. Ho hanoin juridiku ne'ebé progressivu, prinsipiu legalidade báziku sei la define tan husi Adagium. *nullum delictum nulla poena sine praevia lege poenali* Maibe formula fali ho *nullum delictum nulla poena sine praevia iure poenali* katak wainhira *lege* (Artigu) troka fali ho *iure* (Lei) maka determinasaun ba aktus hotu-hotu la'os bazeia de'it ba Lei ne'ebé maka hakerek de'it (Lei Possitivu) maibe ba Lei ne'ebé lahakerek mos (Lei kustumeiru)¹¹.

¹⁰ *Ibid* pgn 28,29

¹¹ <https://vivajusticia.law.ugm.ac.id/2018/11/29/eksistensi-hukum-pidana-adat-dalam-dilema-pemaknaan-asas-legalitas/>

No husi definisaun sira iha leten ligadu ba prinsipiu legalidade ne'ebé atu hatur iha Direitu kustumeiru sei fo balansu makas ba povu kustumeiru iha Estadu Direitu Timor-Leste ida ne'e. ho rajaun tamba prinsipiu legalidade maka sai hanesan hanoin ida ne'ebé baziku liu ba Direitu kustumeiru ne'e rasik atu nune'e bele hatur lei oan balu atu bele regulariza konaba povu kustumeiru ne'e rasik.

Bazeia ba definisaun sobre prinsipiu legalidade direitu kustumeiru bele hamosu balansu iha moris konstitusional tamba direitu kustumeiru hanesan enkuadramentu kustumeiru ne'ebé maka seidauk kodifika signifika katak direitu kustumeiru ne'e kompostu husi kustume hotu-hotu ne'ebé maka la hakerek no moris iha sociedade nia laran ho nia dignidade, toman/kustume no nia iha sansaun¹².

Direitu kustumeiru reprejenta mos prinsipius husi lulik hotu ne'ebé mak eziste iha Timor-Leste ho ida ne'e prinsipius husi kustumeiru ne'e rasik sei garante nafatin balansu justisa iha estadu Timor-Leste.

3.2. Direitu Kustumeiru Bele Solusiona Problema Povo Iha Vida Moris Konstitusional

3.2.1. Direitu Kustumeiru Nu'udar Baze Fundamental Iha Moris Sociedade Kustumeiru.

Rekoñesimentu no valorizasaun ba Direitu Kustumeiru importante tebes tamba Direitu kustumeiru nu'udar baze fundamental iha moris sociedade kustumeiru ne'e rasik tamba Direitu kustumeiru ne'e rasik bele halo protesaun ba sociedade kustumeriu sira nia Direitu no liberdade hotu atu asesu ba aspektu hotu-hotu inklui rekursu natural sira hotu ne'ebé mak iha territorio Timor-Leste.

Sosiedade iha oioin inklui mos sociedade Direitu kustumeiru ne'e rasik, sira mos hanesan grupu sosial ida hanesan *Ferdinand Tonnies* hateten katak “modelu moris hamutuk (grupu sosial) iha ne'ebé sociedade/komunidade sira ne'e kesi ho relasaun espiritu ne'ebé puru ho natureza natural no mos ho natureza nanis. Baze husi relasaun refere maka sentimentu domin no sentimentu espiritu unidu ne'ebé nanis tia ona¹³.

Funsaun Lei kustumeiru iha sociedade bele fila fali ba ninia objetivu fundamental Lei nian. Se ita hakarak hamenus ita nia moris ba buat ida de'it mak objetivu husi Lei mak ordenadu (orden) orden mak hu'un husi objetivu Lei hotu-hotu nian. Ema sempre moris iha sociedade laran, atu bele moris hamutuk iha sociedade ida ne'ebé ordenadu presija lei, Ema, Sociedade, no lei mak komprensaun ne'ebé labele haketak malu. Hanesan ita hare iha *ubi society ibi ius* iha ne'ebé iha sociedade iha ne'ebá iha mos Lei. Ho ida ne'e ita deskreve relasaun ida ne'e los

¹² Marhaeni Ria Siombo, asas asas hukum adat, hlm 7

¹³ Imam Kabul, Disertasi, *Kedudukan Kewenangan dan Pertanggungjawaban Camat Dalam Struktur Pemerintahan Daerah*, Universitas Brawijaya, 2007, hal. 197.

duni. Iha interasaun entre ema ho sosiedade la'os deit regula husi lei maibe mos regula husi Direitu kustumeiru ne'e rasik tamba norma rua ne'e iha relasaun ne'ebé forte atu haforsa malu.

Entre lei ne'ebé hakerek ho Lei ne'ebé la hakerek iha relasaun ne'ebé forte tebes Lei rua ne'e sempre haforsa malu diferensia entre Lei rua ne'e mak indika Lei positivu sempre obriga hodi sosiedade sira obedese ho forma sistematiku. Lei hanesan regulamentu sosial ne'ebé lasas husi valor sira ne'ebé mak moris iha sosiedade nia le'et. Lei ne'ebé diak mak lei ida ne'ebé moris iha sosiedade (the living law) klaru katak ida lalenok husi valor sira ne'ebé mak moris iha sosiedade.

Valor sira ne'ebé moris iha sosiedade hanesan toman ida ne'ebé ikus mai sai hanesan sentimentu ida iha sosiedade ne'ebé opta kustume ne'e ikus mai sai hanesan buat ida ne'ebé merese para atu obedese ba. Kustume sira ne'e ikus mai sai hanesan adat/kultura hodi bele regulariza fali sosiedade sira.

Ho ida ne'e Estadu presija rekoñese no respeitu ba sosiedade kustumeiru liu husi lei oan balun atu nune'e Estadu mos bele respeitu ba Direitu tradisional sira ne'ebé maka sosiedade kustumeiru sira iha ba'a. tuir dinamika sosiedade kustumeiru ne'e rasik no tuir prinsipius sira ne'ebé Estadu Republika Demokratika Timor-Leste adopta ba'a.

Direitu kustumeiru nu'udar baze fundamental ba iha sosiedade kustumeriru tamba liu husi Lei oan ne'ebé regulariza kona-ba Direitu kustumeiru eziste duni importante mos ba sosiedade kustumeiru nia ezistensia.

Hanesan deskreve husi *LG. Saraswati* tenki tuir deklarasaun universal diretus humanus. Ideal husi ema ida ne'ebé livre atu goja liberdade sivil no politika no liberdade husi tauk no ki'ak bele hetan de'it iha se'e kondisaun sira mak kria iha ne'ebé ema hotu-hotu bele goja Direitu sivil no politiku nune'e mos Direitu ekonomiku, sosial no kultural¹⁴.

ho hanoin ida ne'e, aprejenta tia ona urjensia legalidade nian iha forma lei ida kona-ba Direitu sosiedade kustumeiru sira nian. Lei ne'e mos tenke rekoñese, proteje no influensia povu nia Direitu sira ho akordu original ne'ebé Estadu rekoñese, proteje no influensia liuliu Governu.

3.2.2. Direitu Kustumeiru Bele Solusiona Problema Iha Povu Nia Moris.

Wainhira deskute kona-ba direitu kustumeiru solusiona problema iha povu nia moris bazikamente ita sei deskute kona-ba elementu, karakteristik, fungsiaun, no norma kustumeiru ne'e rasik.

Direitu kustumeiru ne'e nia abut no hun mak kustume tradisional povu Timor-Leste ne'e ninian, direitu kustumeiru hanesan Lei ida ne'ebé maka moris

¹⁴ LG.Saraswati dkk. "Hak Azazi Manusia, Teori, Hukum, Kasus", Depertemen Filasafat, Fakultas Pengetahuan Budaya UI, 2006.hlm 421.

tamba nia reprejenta Lei ne'ebé maka realidade husi povu ne'e rasik. Ho ida ne'e direitu kustumeiru ne'e mos moris hanesan ema humanu moris¹⁵.

Iha kontestu hare'e Lei kustumeiru hanesan meu kontrolu sosial, tuir mai Lei kustumeiru atua hanesan forma ida, kontrolo sosial nian. Aspektu kontrolo sosial deskreve ona vida sosial normative. Nune'e mos kontrolo sosial mos bele deklara hanesan fo termu hahalok ne'ebe labele haketak no ninia konsekuensia sira ne'ebe mai husi, ezijensia oioin, lakon bandu, indeminizasaun.

Aleinde funsaun lei kustumeiru nu'udar kontrolu sosial iha mos funsaun lei kustumeiru nu'udar *a tool of engineering sosial*. Funsau lei kustumeiru hanesan *a tool of engineering sosial* ne'ebé nia funsau la'os inkumun maibe iha ninia funsau legal ne'ebé bele muda no orienta ba regra balun iha sosiedade ida. Liu husi mudansa ne'e mak funsau lei hanesan *a tool of engineering sosial*, nu'udar instrumentu atu muda sosiedade ba objetivu komun ida ne'ebé hakarak, ka ho liafuan seluk hanesan mudansa sosial ne'ebé diak, iha sentidu atu hametin kustume ka toman ida ne'ebé ema respeitu liu no tauk liu maske iha mudansa nafatin¹⁶.

Funsau lei kustumeiru nu'udar mudansa sosial ne'ebé importante liu iha era dezentvolvimentu nian mak hanesan meus dezentvolvimentu komunitariu nian. Bazeia ba supozisaun katak iha ordem dezentvolvimentu buat ida ne'ebé konsidera importante no nessesariu tebes.

Relasiona ho konflitu, lei kustumeiru hanesan sistema juridiku ne'ebé iha ninian regra rasik ka modelu iha resolve konflitu. Lei kustumeiru ne'e iha karakteristika ne'ebé diferente husi sistema juridiku sira seluk. Konflitu nu'udar akontesimentu ida ne'ebé la bele evita iha ema nia moris, tamba konflitu nu'udar parte baziku tebes husi moris umanu ne'ebé eziste. Maske nune'e, ho konflitu ne'ebé iha ema tenki hasoru no resolve, no labele evita sirkuntansia hanesan ema ka parte sira ne'ebé iha konflitu, ka hanesan ema ka terseiru parte ne'ebé la partisipa iha konflitu maibe koko atu tulun no resolve konflitu entre parte sira ne'ebé envolve atu nune'e konflitu ne'e bele sai dame no diak.

Nu'udar sosiedade kustumeiru sira prefere atu mantein sira nia lei kustumeiru, ne'e tamba lei kustumeiru ne'ebé uza atu resolve konflitu ne'e atenuante liu duke lei ne'ebé aplika iha tribunal.

Aleinde ne'e, sosiedade kustumeiru sira mos konsidera prosesu rezolusaun kazu iha tribunal, defisil deit bainhira kompara ho deliberaun ka konsensu iha sira nia rejiaun tuir asistensia husi lider tradisional sira iha area ida-idak.

Resolve konflitu husi konflitu comunidade sira iha sira nia rejiaun iha rasik sira nia tradisaun hodi solusiona, ne'ebé kultura ida ne'e bazeia ba nivel comunidade ka tekniku ida ne'ebé hamutuk, dedikasaun valor supernatural no

¹⁵ Soepomo, *Bab-Bab Tentang Hukum Adat*, (t.t.: t.p., 1989), h. 33.

¹⁶ Soejono Soekanto, *Pokok-Pokok Sosiologi Hukum*, (Jakarta: PT. Raja Grafindo Persada, 2000), h. 79.

justisa, nune'e bainhira esplora liu tan katak solusaun konfliktu iha sociedade kustumeiru sira tuir lei kustumeiru ne'e nune'e, substansia husi tratamentu konfliktu nian mak atu realiza dame iha maneira kompreensivu iha termu sociedade kustumeiru tomak.

3.2.3. Direitu Kustumeiru Hanesan Regulamentu Natureza.

Iha faze diskusaun ida ne'e sei deskute konaba direitu kustumeiru hanesan regulamentu natureza sim ida ne'e klaru direitu kustumeiru hanesan direitu natureza tamba lei natureza nian (the law of nature). Bazeia ba ideologia oioin ne'ebé iha , iha mos naran oioin ne'ebé ita utiliza ba sujeitu ne'ebé hanesan, Direitu Natureza (The law of Universe), Direitu Divindade (The law of God), Diretu ne'ebé Riil (The eternal Law), Direitu husi ema humanu (The law of Mankind), no mos Direitu husi ema nia hanoin (The eternal of reason).

Esplanasaun sentral ba faze ida ne'e mak Direitu kustumeiru hanesan Regulamentu Natureza ne'ebé Lei natural nian mak naturalmente tenke akontese duni. Lei natureza (the law of nature) nian ne'e nia regula buat hotu-hotu inklui ema humanu no mos buat sira ne'ebé mak iha relasaun ho ema humanu. Ho ida ne'e ita bele dehan katak buat saida de'it mak ita halo, ita atu halo movimentu ba ne'ebé de'it buat sira ne'e hotu hare'e hela husi natureza ne'e.

Ho ida ne'e hanesan peritu Thomas von Aquinas hateten katak tuir Lei Natural ninian nia fahe ba Parte rua mak hanesan Prinsipiu Primariu mak hanesan prinsipiu ida ne'ebé naturalmente ema simu husi moris kedas no ida ne'e absoluta, Prinsipiu sekundariu prinsipiu ida ne'ebé tradus husi prinsipiu primariu katak ema mak halo.

Thomas Aquinas mos fahe tan Lei natural ba haat hanesan tuir mai (Lex aeterna) Lei Perpetual proporsaun ida ne'e husi maromak rasik ne'ebé ukun buat hotu-hotu ne'ebé eziste tuir ninia hakarak no natureza, ne'e mak Lei hotu-hotu nia huun, (Lex Devina) parte ida husi maromak nian ne'ebé hatudu sai ba ema (Lex Naturalis) no (Lex Positive) mak hanesan lei ida ne'ebé aplika iha sociedade ne'ebé riil.¹⁷

Iha Timor-Leste direitu kustumeiru sai hanesan ona Lei ida ne'ebé mak atu regula ema hotu-hotu bazeia ba lulik sira ne'ebé maka iha no husi ida ne'e ita bele hatene katak direitu kustumeiru ne'e hanesan parte ida husi direitu natureza ninian tamba fontes principal ne'ebé ema hotu-hotu iha Timor-Leste hakru'k ba ne'e mak (Lulik) ne'e rasik no liu husi lulik sira ne'e mak bele sai hanesan fontes ida para ema umaulun(Lia Nain) sira bele hamosu regulamentu balu hodi bele kesi fali ema hotu-hotu iha fatin balun.

Iha Timor-Leste ne'e mos Lei natureza ne'e fahe ba Parte rua mak hanesan Lei Natural ne'ebé mai ho nia karakteristik Nanis no Lei Natural ne'ebé mak nia

¹⁷ https://www.academia.edu/37906365/Makalah_Hukum_Alam

karakteristika Ne'ebé la Nanis ka Hamosu husi ema. Lei Natural ne'ebé nia karakteristika Nanis mak hanesan wainhira Rai ne'e moris mai naturalmente Lulik ne'e mos moris kedas ho Rai ne'e hanesna Rai Lulik, We'e Lulik, Fatuk Lulik nst. Lei natural ne'ebé nia karakteristika la Nanis ka Halo husi ema mak hanesan tarabandu nst.

Relasiona ho hanoin sira iha leten lei natural bele solusiona problema sira iha sosiedade liu husi parte rua ne'ebé mak define iha leten hanesan lei natural nanis no la nanis bele solusiona problema sira ne'ebé akontese iha sosiedade exeptu ba kazu krimu publiku sira hanesan kazu omisidui, abuzu seksual, nst.

4. Konklusaun

Lei kustumeiru ne'e hanesan regulamentu ida ne'ebé kesi ba sosiedade sira, ne'ebé mak la hakerek no mai husi toman ne'ebé mak buras iha sosiedade sira no sai mos lei ida ne'ebé husik hela husi gerasaun ba gerasaun atu nafatin promove no valoriza ba futuru.

Ho ida ne'e relasiona ho hanoin sira ne'ebé mak hakerek nain define iha peskiza monografia ida ne'e ikus mai hakerek nain hakarak konklui katak Funsau lei kustumeiru nu'udar mudansa sosial ne'ebé importante liu iha era ida agora ho nune'e hakerek nain hakarak tebes enkoraza hodi konklui ho valor kultural katak Lei kustumeiru hanesan dalan ida ne'ebé mak naroman tebes ba sosiedade Timorensen atu promove no dignifika nafatin ba futuru Timor-Leste ida ne'ebé identiku no puru liu tan iha mundu ida agora.

REFERENCIA

LIVRU

Busar Muhammad, S.H. Asas Asas Hukum Adat

Jimly Asshiddiquie : konstitusi & konstitusionalisme Indonesia, sinar Grafika, Jakarta, 2009;

Padmo Wahyono, Pen bangunan Hukum di Indonesia, Ind Hill, Jakarta, 1998,

Peter Mahmud Marzuki, metode penelitian hukum, kencana prenatal media. Jakarta

Daman averroes Al-khawarizmi December 6 2011 dalam

Jimly Asshiddiquie : konstitusi & konstitusionalisme Indonesia, sinar Grafika, Jakarta, 2009; hal. 125

Ibid Daman averroes Al-khawarizmi December 6 2011 dalam

Imam Kabul, Disertasi, Kedudukan Kewenangan dan Pertanggungjawaban Camat Dalam Struktur Pemerintahan Daerah, Universitas Brawijaya, 2007, hal. 197

LG.Saraswati dkk. "Hak Azasi Manusia, Teori, Hukum, Kasus", Depertemen Filasafat, Fakultas Pengetahuan Budaya UI, 2006.hlm 421.

Soepomo, *Bab-Bab Tentang Hukum Adat*, (t.t.: t.p., 1989), h. 33.

Soejono Soekanto, *Pokok-Pokok Sosiologi Hukum*, (Jakarta: PT. Raja Grafindo Persada, 2000), h. 79.

LEI

Konstituisaun RDTL

INTERNET

www.grandmedia-com.cdn.ampproject.org

www.grandmedia.com

www.grandmedia-com.cdn.ampproject.org Daman

averroes Al-khawarizmi December 6 2011 dalam

<https://www.negarahukum.com/hukum/prinsip-prinsip-hukum.html>

<http://dinastirev.org>. memahami masyarakat dan prespektifnya

<https://www.negarahukum.com/hukum/prinsip-prinsip-hukum.html>

<https://vivajusticia.law.ugm.ac.id/2018/11/29/eksistensi-hukum-pidana-adat-dalam-dilema-pemaknaan-asas-legalitas/>

https://www.academia.edu/37906365/Makalah_Hukum_Alam

<https://www.negarahukum.com/hukum/prinsip-prinsip-hukum.html>